

## FUNDU MINA-RAI TIMOR-LESTE

### KOMUNIKADU BA IMPRENSA

#### **Ministra Finansas no Diretór Jeral ABP anunsia nomeasaun Schroder Investment Management Limited (“Schroders”) hanesan Jestor Ekidade dahuluk ba Fundu Mina-rai**

Ministra Finansas, A Sua Exenlensia Sra Emilia Pires, ho Diretór Jeral Autoridade Bankaria no Pagamentu, Sr Abraao de Vasconcelos, hamutuk ohin loron anunsia konaba jestaun porsaun husi Fundu Mina-rai nian ne’ebe sei jere husi Schroder Investment Management Limited (“Schroders”), jestor investimentu ida ne’ebe ho baze iha London.

Aranjamentu foun ida ne’e signifika katak aproximadu 4% husi Fundu Mina-rai, ka hamutuk 260 miliaun dolares amerikano, agora investe iha ekidade. “Nomeasaun ba Schroders sai hanesan jestor ekidade ba Fundu nian ba dahuluk ne’e hanesan pasu ida importante tebes husi guvernun nia intensaun atu diversifika investimentu Fundu Mina-rai nian atu hasa’e retornu no atu diversifika risku diak liu tan”, dehan Sra Emilia Pires.

Mandatu fo ba Schroders ne’e atu jere protafoliu ekidade global ida iha merkadu dezemvolvidu. MSCI *World Index* sei sai hanesan pontu referensia ka sasukat ba dezempeñu portafoliu ekidade ne’e no Schroders sei jere portafolio ne’e ho modelu *enhanced indexing*. Investimentu refere sei hala’o iha nasaun dezemvolvidu hamutuk rua nulu resin tolu.

Schroders hanesan kompania ida halo jestaun ba ativu global hari’i iha tinan 1804 ho esperiensia tinan 200 resin. Iha Juñu 2010 Schroders jere hamutuk £164.0 biliaun (€200.3 biliaun / \$245.4 biliaun) husi investidores institusionais no *retail*, institusaun finansieru no klientes bobot iha mundu tomak, investe iha klase ativus oioin inklui mos ekidade, titulus no alternativus. Schroders emrega ema 2,689 iha mundu tomak, halo operasaun husi edifisios hamutuk 32 iha nasaun 25 iha Europea, Amerika, Asia no Médio Oriente (*Middle East*), besik ba merkadu iha ne’ebe sira investe nomos besik ba nia klientes sira.

Tamba ne’e, Diresaun Timorensen fiar katak Fundu Mina-rai sei benifisiu husi Schroders nia esperiensia naruk iha area jestaun ativus nian. Ida ne’e sei haforsa liu tan abilidade husi ofisiais iha ABP no Ministeriu Finansas, nomos *stakeholders* sira seluk, ba dezemvolvimentu Fundu Mina-rai nian iha futuru.

Fo jestaun ba parte balun husi portafoliu ba Schroders la signifika katak osan/fundus hirak ne'e sei fo ba organizasaun estranjeiru ruma. "Schroders sei fornese servisu jestaun fundu nian ba ABP," dehan Sr de Vasconcelos, "maibe notas no osan ka fundu sei kontinua rai iha Fundu Mina-rai nia global *custodian* no rejistu iha ABP nia naran hanesan jector operasional ba Fundu Mina-rai nian."

Ministra no Diretór Jeral ABP agradese ba ofisiais husi Ministeriu Finansas, ABP nomos membrus Konsellu Konsultoria Investimentu ne'ebe servisu maka'as atu atinji pasu ida ne'e iha historia Fundu Mina-rai nian. "Negosiasaun ho Schroders ne'e la'o ho amijabel ka diak," tenik sira, "maibe embora ne'e hanesan tempo daruak ita fo jestaun ita nia nasaun nia rikusoin ba parte liur, ami nia ofisiais tenki servisu ho kuidadu kestaun kompleksu barak relasiona ho jector komersial fundus no investe iha ekidade ba dahuluk ne'e."

Esperiensia nebe ofisiais sira hetan husi involve iha projetu ida ne'e sei importante tebes ba nomeasaun jector komersial seluk iha futuro, ne'ebe sei permite investimentu Fundu Mina-rai atu investe iha ativus barak liu tan ho retornu espetativa a'as liu tan enquanto ao mesmo tempo bele jere risku finanseiru ho diak liu tan.

Ministra nota katak Fundu Mina-rai dezempenha diak tebes dezde estabeselese iha 2005 maibe prosesu diversifikasaun liu tan sei percisa atu halo. "Investe iha titulus governu nian hatudu tiha ona hanesan posizaun ida diak mak foti iha tinan hirak ne'e," nia dehan, "maibe hodi investe deit Fundu Mina-rai tomak iha titulus governu nian laos estratejia tempu naruk (longo prazu) ne'ebe optimal. Ne'eduni, nomeasaun Schroders atu investe iha ekidade hatudu komitementu Governu nian atu diversifika Fundu ne'e iha ativus luan liu tan ho espetativa retornu nebe a'as."

"Ho nomeasaun Schroders ne'e, flexibilidade iha Lei Fundu Mina-rai atual atu investe to'o iha 10% titulus governu la-denominadu iha dolares amerikanu (USD), uza hotu ona no atu diversifika liu tan rekere mudansa iha Lei Fundu Mina-rai" kontinua Ministra. "Lei Fundu Mina-rai husu para atu revisita hikas estratejia investimentu depois de tinan lima ne'ebe agora dadaun ne'e halo hela no proposta alterasaun ba Lei Fundu Mina-rai sei submitte ba Parlamentu iha tempu badak hodi hetan aprovasaun. ."

## **Konaba Schroders**

Schroders hanesan kompania ida halo jestaun ba ativu global hari'i iha tinan 1804 ho esperiensia tinan 200 resin. Iha Juñu 2010 Schroders jere hamutuk £164.0 biliaun (€200.3 biliaun / \$245.4 biliaun) husi investadores intitusionais no *retail*, instituisaun finansieru no kliente boot iha mundu tomak, investe iha klase ativus oioin inklui mos ekidade, titulus no alternativus. Schroders emrega ema 2,689 iha mundu tomak, halo operasaun husi edifisios hamutuk 32 iha 25 nasaun iha Europeia, Amerika, Asia no Médio Oriente (*Middle East*). Schroders kompania ida lista iha *London Stock Exchange*.

Informasaun klean liu tan konaba Schroders bele hetan iha [www.schroders.com](http://www.schroders.com)

## **Konaba Fundu Mina-rai Timor-Leste**

Fundu Mina-rai hanesan rikosoin soberanu Timor-Leste nian. Fundu ne'e estabeselese iha 2005 no sai hanesan meu ba jestaun reseitas Timor-Leste nian mai husi explotasaun Timor nia rikosoin mina-rai

nian ho objetivus rua atu preserva rikusoin inter-jerasaun no mantein responsabilidade fiskal. Ate Setembro 2010 balansu Fundu Mina-rai nian mak USD 6.6 biliaun.

Ba informasaun klean liu tan konaba Fundu Mina-rai bele hetan iha [www.bancocentral.tl](http://www.bancocentral.tl).

### **Kontaktu ba Informasaun**

Inkerítus bele haruka ba Venancio Alves Maria, Diretór Executivu Departementu Jestaun Fundu Mina-rai, ABP. PO Box 59, Dili, Timor-Leste. Telefone +670 3313 718.

Email: [venancio.maria@bancocentral.tl](mailto:venancio.maria@bancocentral.tl)

Dili 18 Outubru 2010

### **Emilia Pires**

Ministra Finansas

Repúblika Demokratika de Timor-Leste

### **Abraão de Vasconcelos**

Diretór Jeral

Autoridade Bankaria & Pagamentu,

Timor-Leste